

## **Vahakelaxibalo va komberiwa ku hakela tihakelo ta xibalo eka SARS vhiki leri**

Tanihileswi lembeximali ra timali ta tiko ta xibalo ri pfariwaka vhiki leri, Vukorhokeri bya Xibalo bya Afrika-Dzonga (SARS) byi funghile Nyenyankulu tanihi n'hwetl ya xirhangana eka vahakelaxibalo na vaxavisi leswaku va hakela tihakelo ta vona ta xibalo na khasitomo na swikweleti swa xibalo na khasitomo hi kumbe ku nga si fika siku ra bindzu ro hetelela ra n'hwetl leyi, ku nga Ravumune, ti 28 Nyenyankulu 2024.

### **Mihlawulo ya hakelo**

Tihakelo ta xibalo ti nga endliwa hi ku tirhisa bangi, hundziso wa timali wa xitironiki (EFT), hi ku tirhisa eFiling kumbe SARS MobiApp. Tihakelo ta Khasitomo ti nga tlhela ti endliwa eka hofisi yihi na yihi ya Khasitomo ya SARS. Swi na nkoka leswaku vahakelaxibalo na vaxavisi va endla tithiransakixini ta hakelo enkarhini wa tiawara ta bindzu ku pfumelela mavandla ma vona ma bangi ma ntshuxa hakelo eka SARS - goza leri lavekaka loko hakelo yi endliwile hi ku tirhisa eFiling na MobiApp. Swivutiso swa ntsengo wa nsalo swi nga endliwa hi ku kombela xitatimende xa akhawunti eka eFiling kumbe SARS Mobi App kumbe hi SMS eka 47277.

#MarchPriorityMonth #YourTaxMatters

Xi humesiwile hi: Vukorhokeri bya Xibalo bya Afrika-Dzonga

Swivutiso: [sarsmedia@sars.gov.za](mailto:sarsmedia@sars.gov.za)